

晚晴移詩匯

晚晴移詩匯卷一百九十七目錄

釋子

實乘 四首

陳遇 一首

超普 一首

超睿 一首

超凡 一首

廣徹 一首

宗智 六首

顯應 一首

秉正 三首

性本 一首

圓顯 一首

上思 一首

上慧 一首

上映 一首

上崇 一首

本照 一首

天定 一首

超遠 一首

古煥 一首

寂秀 一首

處洪 一首

悟開 一首

元爽 一首

溥畹 一首

元龍 二首

大甯 一首

岑霽 四首

德亮 一首

智谿 一首

智潮 一首

一斑 二首

昭吉 一首

野楫 一首

佛陽 三首

妙復 一首

律然 三首

炳宗 一首

梵音 一首

戒顯 二首

印耀 一首

妙信 二首

廣閒 一首

方璿 一首

明際 一首

元祚 一首

達瑛 七首

與宏 五首

清恆 十九首

湛汎 四首

際醒 二首

明印 三首

慈海 五首

世惺 一首

本白 一首

悟成 一首

定志 一首

默可 一首

與明 一首

清月 二首

達航 一首

性恬 一首

嘯顛 一首

宏度 一首

逸雲 一首

悟帚 一首

昌立 一首

相潤 一首

寶雄 一首

行吉 一首

行榮 一首

禪一

四首

嘯溪

二首

際祥

一首

達澄

一首

悟霈

十首

達眞

一首

自如

一首

明修

一首

張濟

一首

閒潭

一首

賢巖

一首

端文

一首

宏範

一首

濟乘

一首

顯朗

一首

本齋

一首

普震

一首

達宣

二首

達受

四首

法乘

一首

清鏡

一首

復顯

三首

性仁

一首

慧琳

二首

可庵一首

如震一首

祖道四首

晚晴移詩匯卷一百九十七

釋子

徐世昌

實乘字誦若無錫人主惠照寺有蔗查集

詩話誦若學詩於沈歸愚故五字清微澄淡造詣密微若生夢樓咸相推重所著蔗查集阮文達序而刻之

陽山結茅雜詠

羣峯炫蒼翠變化非一顏我屋蒼翠中真可忘其年但觀心似雲豈知身在山清機發深省谷響爲吾宣

微雲度秋河細雨不成陰幽人望明月一葉下空林撫景生太息涼飈動商音因觀巖上松證我歲寒心

初夏山中卽景

芳春景已移且試山中樂孤筇步幽厓新林蕩寂寞清和

景物佳掩映朝嵐薄巖棲已歲餘相對儼如昨何從寄雅
懷於此契酬酢鳥逐嵐光散花隨磬聲落爲言素心人遐
賞願有作

憶舊隱

孤館靜無人飛花競狼藉陽春忽已徂愁思起日夕念彼
遠峯青面此浮雲白蒼蒼屋後松巢鶴待歸客

陳遇字感遇號碎琴番禺人恭尹孫江甯僧

秦凌滄日碎琴詩好用故實閒多率應而出隨園去
官居金陵主盟壇坫其聲氣方籠罩一世碎琴願獨
與軼俗議
論不相中

歲暮感事

打頭矮屋自欹斜容膝眞堪處士家
薛徑人稀來往屐紙窗梅放兩三花
稻梁謀比銜蘆雁歲月忙如赴壑蛇
好聽

瓶笙嘯清晝爐燒柏子自煎茶

超普字融峯號萍寄興化人本姓李主棲賢庵有祖餘集

秋杪歸覲建隆本師晤雁庵先生

山空本落雁橫天渡水穿林到法筵廢寺清鐘風外杳疎籬叢菊雨中鮮漫將意氣誇元度自有才華並皎然安得壽甯秋色永

壽甯街名時來酬倡月明前

超睿字壁觀一字韶山徐州人本姓杜主慧濟庵

山居

五十年來出此山那知又逐業風還雷轟電轉渾如夢銷盡塵緣頃刻閒

超凡字雪堂號鐸夫金華人江都僧

迷樓懷古

君王臺榭結層陰，竹樹迷離傷客心。只有寒鴉嗁廢塚，絕無螢火照空林。二分明月留天地，一派煙波自古今。六代繁華空極目，杖藜從此罷登臨。

廣徹字豁庵彭澤人本姓葉主江都天甯寺

宿山寺步壁間韻

獨宿雲堂一磬深，空山蓮漏滴沈沈。月臨紺殿浮松氣，風動金鈴落梵音。永夜禪燈懸客夢，高秋旅雁動鄉心。虛窗漸覺晨光滿，惆悵行歌別舊林。

宗智字圓明號竹溪江都人本姓蔡住瓜洲聞思庵有

坐花軒集

對月懷陶景成茂才

夜月澄寒輝居然入深院修竹相參差浮雲忽隱見十里
澹秋煙匝地開匹練獨坐謝糾紛靈禽下荒甸渺然等子
懷孤飛無眷戀西鄰有老人隱居足歡讌况兼南窗南明
月照渠面放卻掌中杯焚卻案頭硯安得乘仙槎共造清
虛殿元關君獨窺詞源誰敢擅予性懶是真行吟頗忘倦
借夏靖九過夏元長煉室同次殷雨蒼韻

秋爽惜虛度尋君聊遣閒舌端窮易理身外得元關眾木
脫霜葉高窗見遠山甯隨天地老莫謾說人間

除夕同盛子嘉限除字

風雨催殘臘高眠任歲除尋梅雙屐靜留客一樽虛檢篋
焚詩草挑鐙閱道書飄蓬同十載羸得鬢毛疎

問水庵次錫山華疑修韻

帆檣指故里，信宿藕花村。境靜秋先冷，情空花欲言。裁詩消野興，問水得真源。明月知人懶，依然下竹軒。

嚴勉斯徐楚濤殷雨蒼夏靖九周天池見過共用聞字

嘉客偶相集，秋山滿白雲。彈棋松有韻，論道佛無文。機息同鷗侶，身閒與鹿羣。無端促歸棹，疎雨隔溪聞。

懷鄭蕃修

雲洗三更月，天餘幾夕秋。呼童煎石髓，放眼上蓬樓。况有黃花對，安知白髮羞。所嗟人異水，不向故園流。

顯應字密慈號玉壘武昌人本姓紀天甯寺僧

過建隆寺訪友

鹿苑凋殘久，登臨法界寬。孤雲綠竹細，宿鳥出林寒。井廢

泉何在花深露未乾
斷碑橫蔓草剝落有誰看

秉正字止一號止庵丹徒人本姓楊住瓜洲青蓮庵

和惠山華凝修先生宿問水庵韻

扣舷歌復罷散步入郊原
樹暝林疑雨山空鳥不言
幾人採竹屋一水隔桃源
歸路饒清興新蟬在北軒
隔水尋開士還應鼓枻來
那知秋未到已覺暑全回
花竹有餘色山林良可哀
四方兵甲後吟眺一徘徊

九日過慧照庵

精藍在城市幽趣入林泉
草白知秋晚苔青是雨前
雲生窗外樹霞污水中天
縱目有如此還應放釣船

性本字野夫丹徒人

看瀑

山橋獨立竟忘歸，貪看懸崖瀑布飛。
蒼翠重重香剎隱，輕風送出磬聲微。

圓顯字一性，號樗巢。無錫人。本姓陸，忍草庵僧。有樗巢吟、稟忍草庵剩略。

贈別客愚兄

已駐湖干棹，知君未可留。
鄉心明月夜，歸夢白雲秋。
挈鉢投江郭，攜筇向石頭。
半生行腳慣，不解說離愁。

上思字雨山號雪悟泰州人

登圖山絕頂

極目微茫接遠天，山光水色兩悠然。
風塵不到煙蘿裏，雲月時來梵座前。
僧影獨依幽澗樹，鐘聲疑上夕陽船。
相看舉世同蕉鹿，三歎孤峯仰昔賢。

土慧字天覺號覺庵南城人本姓吳主松江蒲溪七寶寺

次牧園潘先生晤闕堂和尚韻

柴門寥寂甚徙倚望通天御喜香山老論詩妙入禪席移
花外月簾動柳梢煙幸有牛頭月光華得洞然

上映字臨陶宜興人

野望

垂腳嶺邊震澤西暮煙銷盡風淒淒孤村隔水葦花冷羣
雁橫天落月低客子掉舟黃葉岸漁師夜宿白蘋溪生涯
似我幽居志瓢笠輕裝任所棲

上崇字石靈泰州人本姓宗

讀黃仙裳秋槎唱和詩

建功何似建言奇老將殊勳有了期不及先生拈好韻亂
離直到太平時

本照字徹也號天谷興化人

雲居山訪姚氏隱居喜晤蒼碧陳山人

高閣層軒盡日開秋風秋雨入簾來
仙家自有胡麻飯公子何須竹葉杯
對局無心聞鼓吹看花隨意破莓苔
共知良會誠難得更上吳山第幾回

天定字雙溪武昌人

涵師我帽游歸因贈

我帽西去似登天見說親行到頂邊
古木千年都化石衲衣六月總裝棉
陰風晝灑巖端雪急雨宵聞洞口泉
袖得圓歸誇示我芒鞋踏破意忻然

超遠字心壁雲南人

鐵鎖橋

萬山誰劃斷一水界東西地曠風逾急天低雲易迷半空橫鐵索千尺跨虹霓我欲橋邊宿江猿休夜啼

古英字願來廣東人

山行

出門無定所一路喬松陰流水道人意青山太古心偶然乘興往不覺入雲深獨立發長嘯蕭蕭風滿林

寂琇字乃奇漢川人主無錫一梅亭

山居秋夕

不學騷人意思深閒情祇許寄知音枕邊忽得新奇句又被秋蟲奪去吟

處洪字迂公太倉人本姓江開法保安寺主席靈巖退
居寶華菴有山居雜詠

春日過一梅亭訪乃奇師

道人廬舍白雲封日日攜琴過聽松庵名香雪一窩明月夜
吟聲遙度九龍峯

悟開字豁然吳縣人荆溪顯親寺僧

蜀山花神廟

小小園林倚碧山萬花攢簇翠微間世人只解求神祐也
耍花枝耐駐顏

元奩字自恬興化人

九月八日送友之越

江邊楊柳正蕭條游子秋深放小舸故國明晨空對菊他

鄉何處獨題糕寒潮帶雨催蘭漿霜葉隨風戀布袍此去
不須尋往跡越王宮殿總蓬蒿

溥畹字蘭谷如皋人本姓願居昆明法界寺

方靈臬日冒集民集著名士
爲詩社蘭谷與焉時年十八

劍閣

險絕惟雙劍迢迢一綫通水分巴字峽山接漢王宮梯石
來天上穿雲入地中無知憐李特漫欲寄蠶叢

元龍字牧堂江南華亭人本姓李

秋胡行

養蠶勝養兒養蠶猶吐絲養兒防親老而乃離親闈君憐
采桑婦不念桑榆人桑榆景苦短桑婦時悲辛還君相贈
金請君斷諸妄君意在桑間妾情非濮上攀條謝郎君倚

門人久望

乞食

林間纔定起洗鉢出門行童子亦知善設齋非愛名說經
酬飯價回施合凡情果腹便歸去寒山萬木平

大甯字石湖桐城人

雜韻

峯頂屋三間松邊石一片早晚雲飛來只有樵夫見

岑霽字樾亭長州人有柏堂集

柏堂對月和周昇逸

柏堂今夜月雲物不能侵對此碧空淨聞君白雪吟入簾
明鶴髮繞樹見禽心坐覺清言久疎鐘報隔林

自龍泉關過嶺宿白雲寺

萬丈雄關到始諳
空中斗插五浮嵐
白雲僧下山頭寺
黑雨龍飛石上潭
冰雪百層寒代北
波光一綫認江南
閒身隨處堪投宿
直上諸天是蔚藍

露筋祠

沙草淒迷煙樹昏
荒祠寂寞託貞魂
靈旗高捲秋風晚
惟有清淮照墓門

蘋花

翠葉金花雜杜蘅
湘湖千里最知名
秋風颯颯過南浦
鄉思無端一夕生

德亮字雪牀長洲人本姓陳

孤花

一點出塵緣
春情仍自深
香微憐土薄
開晚少人尋
雨漬

猶堪賞風吹略不禁儵然苔石畔誰爲表孤心

智豁字宏鑑句容人有旅山集

題方坦庵太史峴山語石

撐雲吸露貌奇峯聲借流泉色借松昔日點頭今日語生
公應讓海門龍

智潮字香水號北麻吳江人永樂寺僧有歸來堂稟

歸後

拂袖青山後鋤茅綠水前草深三月雨柳暗一溪煙形跡
從今世情懷只昔年故人心不負期泛五湖船

一斑字定宣吳江人主席古南石佛等刹退居一螺山
房有耕煙室詩草

聞思庵紀事呈蓮社諸君

雨港煙村容散人，菱池蔬圃少風塵。
過橋一徑見城郭，沿水數家成比鄰。
性懶便教棲易穩，情眞反訝句難新。
破除陳迹君知否，影動碧潭楊柳春。

昭吉字聖宣，無錫人。本姓趙，崇安寺僧。

詩話：聖宣精持戒律，中年後嘗游普陀九華五台山，紀游一時名士皆有題詠。

名山紀游

杖錫清涼道五峯，淨如沐飛翠入青霄。
雲霞起平陸，地菜產靈巖。天花滿空谷，伊彼長松子。
紛紛落山曲。

野楫字梅岑，江甯人。

江上送客

隱隱孤城暮茫茫，寒角聞異鄉。
重見面，落日又離羣。是我還家路，
如何復送君。斯須帆影沒，祇見隔汀雲。

佛陽字旭曇江都人

建隆寺題壁

西花臺舊名彰武寺

建隆何代寺彰武舊招提一徑秦松裏孤雲蜀嶺西臺荒
花落去客至鳥空唳落日江峯遠微吟過小溪

宿陳氏莊園

去郭息塵事支筇原上村言尋太邱長得過辟疆園竹影
半塘水秋聲午夜猿淩朝登小閣山色在前軒

月夜過雪塘道中

誰唱吳歌古渡頭一聲清怨過迷樓淒涼滿地蘆花月撩
亂連天鴻雁秋寒樹著霜猶是綺廢塘埋玉尙名鉤道人
不爲繁華感午夜行吟別有愁

妙復字天鈞無錫人有石林吟藁

雨鶴

昔年兩白鶴巢我青松林夜寒時警露眾壑流清音一鶴
戀故棲子焉守雲岑一鶴忽遐舉天路探幽深神山境恍
惚浩浩誰能尋驚飈吹未息素羽愁難任故林遙待汝貞
此巖阿心

律然字素風常熟人有息影齋詩

沈歸愚曰素風於詩友三五人外不慕貴游不飾鉢
貨坐石經室幾六十年人品高故詩亦不落禪門偈
頌體也柏太史蘊泉許以穆
如清風靜若止水人咸信之

落梅

和風和雨點苔紋漠漠殘香靜裏聞林下積來全似雪嶺
頭飛去半爲雲不須橫管吹江郭最惜空枝冷夕曛回首
孤山山下路霜禽粉蝶任紛紛

悼鶴次蔣迪甫太史韻

病久胎禽剩瘦形朝來羽化竟冥冥孤情望斷林間影禿
筆書殘石上銘苔徑忽空新印跡松巢忍見舊遺翎高人
從此添離索哀怨還如失一丁

口占與西澗僉憲

汀南庵北往來頻臭味何如支許親相對莫教分主客何
人不是客中身

炳宗字慧謙泰興人有竹院集樹下稿

春日游鄧尉山

萬峯深處有流泉松徑藤蘿杖策穿十里梅開香到寺洞
庭猶隔太湖煙

梵音江蘇通州人古音靜室僧

留別

一一橫擔任所之秋風秋雨是行期去時莫定來時約山
水留人未可知

戒顯字願雲號晦山太倉人本姓王諸生有匡廬集

五老峯坐夏

五峯絕頂縛枯禪靜夏何人叩榻前忽地霧來山盡縞半
空泉落屋如船朱曦氣散松杉國白日寒生洞壑天縹緲
萬層塵望斷那知僧定萬松顛

金陵懷古

石頭城下水淙淙西望江關合抱龍六代蕭條黃葉寺五
更風雨白雲鐘鳳皇已去臺邊樹燕子仍飛磯上峯杯土
當年誰敢盜一朝伐盡孝陵松

印耀字偉靈上元人

登清涼臺

不盡登臨興登臨欲二更塔燈紅到寺江月白連城我獨
邀幽賞人多限俗情遲遲未忍下數徧夜鐘聲

妙信字山愚號詩禪瓜州僧

九日酬諸子

不負東籬約攜尊過草堂遠天連樹杪高月薄衣裳握手
經年別驚心九日霜諸君才絕世獨步許誰強

雨窗

雲暝虛窗靜新篁別有情煙雲清古壁風雨壯江聲有癖
酬山水偷閑斷送迎蕭疏且高卧無意問陰晴

廣閒字竹忘吳江人長壽寺僧

寒食雨窗偶書

去冬猶作省親詩，詎料今朝只有兒。
記得桑條如此綠，年年阿母浴蠶時。

方璿字睿石太倉人

登穿山

頽然石磴草萋萋，客裏重登舊跡迷。
海氣暗吞山頂寺，鐘聲高落洞門溪。
秋來有月臺堪倚，春到無花鳥自哢。
欲謁桑公不可見，蒼苔斷碣暮雲低。

明際字滄洲無錫人住吉雲庵有吉雲詩藁

清明後一日諸友社集

一徑寒煙鎖幽人，曳杖尋臨流開白社。
聽雨坐香林共惜殘花落，獨憐芳草深。
故山歸未得，虛負白雲心。

元祚字木文雲夢人西洞庭山寺住持有鶴舟詩草

寄高澹游

賣盡青山說買山高年正好學偷閒洞庭儘有梅花屋何不攜家住此間

達瑛字慧超號練塘丹陽人主庶棲霞有旃檀閣詩鈔

詩話慧州主攝山後古光長老留住黃灣精舍罕與人接洪雅存呼爲懶僧與焦山巨起萬壽寺悟霽相唱和又嘗挂錫松寥蜩廬間王柳村爲刻三上人集

喜看雲見訪

渺渺秋江闊勞君破浪尋雙峯今夜月一片故人心雲淡
天河迴窗虛海氣深只緣明欲別翦燭動長吟

同王夢樓太守高旻寺看菊

何必東籬采山房菊已開無端詩思發有約故人來冷豔

依黃葉幽香上綠苔白頭憐晚節勤護曉霜催

次安心見寄韻

託足雙峯猿鶴親水晶宮殿淨無塵日將好景歸詩卷天
許名山作散人巖草碧銷三徑雪寺梅香破半江春西風
記得萸灣別夜夜相思入夢頻

登海雲樓懷萸灣清涼主人

退院僧同嶺上雲凌江小閣一爐薰窺人鷗鷺當窗立出
寺鐘魚隔水聞仍有青山常伴我縱無明月也思君臨風
欲跨揚州鶴海氣微茫望不分

次古巖見過河亭韻並寄借庵

小院臨池無路通道心常與竹心空幽扉半掩林間雨清
磬遙傳渡口風折葦客來青嶂外隔江人卧白雲中莫言

世外甘岑寂殺賊論兵燭影紅

同洪稚存太史王柳村秀才暨合嗣小村借庵主人

登月波臺看潮同賦

爲逐丹崖客層臺試一登山隨詩思轉風挾海潮騰樹抱
花閒路門開竹裏鐙笑余多懶散米熟愧南能

新柳

東風青旆亭中酒小雨紅闌橋外人無限銷魂看不得鶯
兒黃樣可憐春

與宏號已香浙江山陰人小雲棲僧有懶雲樓詩鈔

詩話已香居小雲棲地幽迥多梅花時不啻香雪海
已香詩蕭麗絕俗陳古華太史主講龍山與陳寶摩
郭頻伽諸君論詩已香與焉居山率徒侶
采薪負米自食其力不以能詩稍自矜也

梅山

漢吏逃名姓而今地尙傳泉疑流夜雨山欲鎖春煙脫屣
離塵網裁雲補水田老僧消受得梅子熟多年

次洪稚存太史見贈韻

八千里外歸來客不爲探奇也打門願見已經過半世相
逢何幸在荒村隻身湖海飄零久百卷文章慷慨存煨芋
分嘗堅後約更須米汁沃靈根

天台萬年藤杖歌

昔年曾作天台游一瓢一笠挂杖頭玉霄峯聳萬螺髻石
梁瀑卷雙龍漱翠微幾折入古寺禪堂鐘磬清且幽蒼藤
天矯挂石壁疏花紅綴空巖秋老僧知我慣行腳呼童截
取千歲虬攜歸早夜每拂拭肌理細膩骨節道瘦圓瘤古
色蒼潤桃枝筍竹非其儔平生夢寐在邱壑要躡五岳凌

九州隨身自有瓶鉢在住山任爾猿鶴愁杖兮杖兮肯相
助出門從此吾無憂

書懷

皎皎月正白悠悠雲自行以彼一點滓掩此千里明人心
如鏡臺潔比秋水清一念不肯息萬慮遂交榮老以靜而
治莊因達乃成非儒亦非釋無爲了平生

登焦山絕頂和借庵韻

捫葛攀蘿上碧霄百盤千級路迢迢披襟我又登蓬島放
眼人多看海潮東漢此山才有姓西江無水不來朝褰衣
直扣雙峯閣認得華陽舊鶴巢

清恆字巨超號借庵桐鄉人本姓陸主焦山定慧寺有
借庵詩鈔

詩語借庵才思清曠年登大臺袁簡齋王夢樓趙雲
崧洪雅存曾賓谷伊墨卿阮芸臺皆及與之交嘗游
天台雁宕渡海至搭伽逾年而返復游黃山九華探
幽鑿險窮山水之勝而詩亦日進雅存爲作詩序雖
許甚至

同程蔭堂登海雲樓分韻卽送之邗上

日落小樓紅高吟雅興同涼生朔影外秋在葉聲中
箔卷雙峯雨窗開四面風明朝分手去惆悵海門東

過寶蓮庵

小阿蘭若甕城邊門徑依稀似輞川書畫一房雲外室江
山半壁水中天生來竹葉皆成字修到梅花卽是仙曾與
維摩談不二夜深明月挂松巔

和趙甌北觀察見贈

樹裏禪關晝不扃隔江無數晚煙青西風有意留仙侶著

履同尋瘞鶴銘

樓臺無地接江濤
客喜詩鋒疾孟勞
吟到夜深秋月冷
一天星斗雁行高

詩名海內達尊三

海內奉袁蔣趙爲三大家

擬築蓮花聚一龕
若肯停

車容問字那能不借與茅庵

元唱云一庵似怕人來借先自名呼作借庵

訪宋處允文三宿處

天下勢若常山蛇
趙家已失中原脊
北人大舉向南侵
一且雄兵臨采石
豈知江上有儒生
提師一戰功便成
南人已勝北人北
三軍只聽波濤聲
西風獵獵吹元纛
歸傍盧龍山下宿
至今石上見題名
雨洗莓苔痕自綠

妙詮將南歸卽寄海昌諸舊好

沈沈起視夜何其
風動琅璫月乍移
兜率有天應待我
者

謂余壽止四十五故云廬陵無米更思誰從來衲子輕漂泊自古詩人重別離汝到故鄉憑致語諸公且莫問歸期

瓜洲遇洪稚存卽次見贈韻

東風吹我過黃灣邂逅先生水石間不繫身同江上艇無家夢繞越中山經翻貝葉人將去衣拂梅花客乍還先生已辭書院準擬故鄉櫻筍後歸來共逐野鷗閒

朱研庵司馬過訪山中

十里松陰徑轉微探奇客至款荆扉泉聲入戶晴猶急巒翠如煙溼不飛妙語欲爭山影秀鈍根恐落箭鋒機相期再過披雲室寶鏡光寒薜荔衣

送月堂之雲門埽古巖塔

風斜雨細一帆輕又向山陰道上行若到香鑪峯背後傷

心莫聽杜鵑聲

羣山秀簇古雲門佛閣鐙微影漸昏知否故人頭盡白不
談往事已銷魂

玉笥山空寶鏡寒無人擊竹倚欄干惟遺挂錫松千尺化
作蛟龍月上蟠

過丁若亭可以棲書齋兼贈卯君秀才

箬水可棲遲秋高月滿帷談經服子慎好客鄭當時我亦
曾相過心常繫所思若論義與獻那得外人知

題丁崙峯洗鶴圖

一雙皎皎瑤臺鶴欲飛不飛如有約老去長存萬里心碧
天衝破秋寥廓每一招之鶴自來鶴雖不語心顏開呼兒
洗之復更洗本來潔白無纖埃一鶴先飛松頂立若與主

人高下揖世上紛紛那得知
主人亦是瑤臺客還留一鶴
臨清泉若有所思衣飄然記
向瑤臺曾洗過已經一別三
千年

重登攝山尋練塘墓

江左詩僧有墓田

洪雅存太史題墓碣曰江左詩僧練塘之墓

最高峯後許莊

前名稱歿世知何用祭到無人亦可憐
六代雲山遺舊跡
一生風月付寒泉多情還是南徐客
歲歲春風泣杜鵑

練塘
葬後洪太史顧夢應陳薊泉屢弔其墓

重過莫灣卽用劉松嵐觀察弔練塘韻

茱萸灣鎖薜蘿煙渡口無人晚泊船
風撼塔鈴空自語門
開江月爲誰圓經翻貝葉窗
恆閉詩刻旃檀閣已傳

練塘

檀閣

我比孝威情更重幾回來覓舊花磚

詩集

答張庵擊竹山房見懷

雨洗花階露洗苔正當新月照經臺山高豈定留三宿地
好何妨住百回勝友世間非苟得奇峯天際忽飛來知君
竹裏門常閉不是尋詩總不開

清江曉發

古井煙飛玉帶環西風送我過淮關江南此去無他事先
看青青萬疊山

次張庵見贈韻

年來事總學模糊却喜登臨興未孤腳底但愁千嶂少胸
中翻怪一塵無難消結習冰藏壑頓掃疑團雪見鑪心跡
惟君知我久三年前寫退居圖

湛汎字藥根丹徒人本姓徐有雙樹堂詩鈔

詩話藥根詩學唐人嘗游都門謝金圓秦礪泉秦西
巖李文圍沈雲椒諸公尤器重之當時有方外才人
之目

明如塚

空恃朱顏惜餅金獨留遺恨到於今琵琶一曲和番淚芳
草千年望漢心自是美人多命薄非關天子不恩深孤墳
三尺豐碑在環珮春風未易尋

菊花

蕭疏幾本是天留潔白純黃託地幽種者自知甘苦味賞
心不作綺羅秋一枝敢在霜前折九日應從籬下收我有
嬾蕊今鴛髮年年益壽向伊謀

題方可村先生夢游出塞圖

短榻蕉窗綠影肥涼雲一枕夢依稀班生未老莊生老匹

馬沙場胡蝶飛

舟中同秦西巖

千里荆湘共此行
布帆風飽向南征
憐君亦是初爲客
未慣江湖一片情

際醒字徹悟一字訥堂又號夢東豐潤人本姓馬歷主
京師廣通覺生寺紅螺山資福寺有夢東禪師遺集

山居

爲愛林泉趣頗饒
市廛隔絕路迢遙
千重竹樹居幽僻
一箇蒲團坐寂寥
晝靜窗中山色澹
日高簾外鳥聲嬌
定回滿目皆生意
乘興扶筇過小橋

疏拙難堪應世情
餘生贏得寄柴荆
且無活計卷脣饅
儘有家私折腳鐺
亭畔開池宜浣月
籬邊種菊喜飡英
敢云

野况齊安養差勝人間閒利名

明印字九方一字雪曠晚號紫藤主人常熟人吳中怡

賢寺住持

毗蘆村曰己巳秋予至松陵寓華嚴寺之西偏明印在接待寺邂逅定交歎然如素相識師雖學于佛而好讀儒書恂恂善問有儒者氣象詩不多作偶一拈筆清真灑脫擺落一切其師蓮峯素工詩固知淵源有自云

秋日過王岡齡山齋次韻賦答

良辰赴幽期名園散清步黃菊未辭秋霜鴻正橫曙逍遙
玩泉石參差數藥樹主人出卷軸精力所疑注六法韻俱
流五字神或助把翫媿不如愛極翻成妬

陟級已梯空登茲江畔樓取適那在高聊足恣冥搜虛簷
仰晴穹疎檻臨平疇西山送遙青風前上簾鉤趣以淡爲

賞情以忘轉投寒城送暝鐘一笑還淹留

登香巖一覽樓

底處堪舒野士眸松陵南寺倚層樓簷虛遙挹金庭翠樹
老平分笠澤秋千里煙瓢從躑躅十年萍蹟漫淹留若無
友道談空語頑石何能更點頭

慈海京師拈花寺僧有隨緣集

夏日山居

淡泊何干世無求孰侮予窗明蜂作鼓花靜蝶成閭地僻
能逃客天長好讀書性靈隨處養絕妙是山居

張毅夫弟西川碩學近聞落髮五台口占以堅其志
業火心薪晝夜煎無常自古不知憐漢家得鹿今安在陸
氏如龍亦枉然碧眼胡僧九載坐白衣大士一經傳洛陽

春滿花成錦終對斜暉泣杜鵑

韻珂大弟近不言詩

曾從禪內悟清吟此道難言古至今季札已懸枯樹劍昭
文不蓄有絃琴皎然未必非前習白也原來證後心極地
彌天方寸裏云何門外覓知音

鄒穎峯先生秋夜過談

蕭瑟秋聲不耐聞故人望外喜同羣明星落地一灣水怪
石投天幾塊雲拊掌新詩工笑客填杯涼月可邀君相期
更刮來朝目應有清奇欣賞文

翠微山龍王堂

小亭池畔碧琅玕坐納春陰晝不寒得失風聞皆入幻是
非雲捲怎相干波平淺水魚游樂聲靜高枝鳥夢安領受

个中真快活進山容易出山難

世惺字憨幢蕪湖人主慈濟寺

游龍門寺同友人作

迢遞龍門寺縈迴路幾盤
虬松夾幽徑修竹隱飛湍
偈與閒官說詩呈古佛看地
鑪煨芋火虛室不知寒

本白字楚蘅號漱冰嘉善人有二竹軒集

郭祥伯日漱冰詩早宗唐人晚乃出入宋
諸家然無禿語奧字淡遠蕭瑟如其爲人

春寒

病裏年華草木知孤雲來去更無期
等閒清興難消卻忍凍開窗看竹枝

悟成字方聚號石谷壽州人主高明寺

春日懷峴山

柴扉終日掩高卧翠微開春樹雨中寺夕陽江上山身閒
肩早息吟苦鬢全斑欲買扁舟去攜筇一叩關
定志字鷹巢主講江甯承恩寺有竹香樓集

石城望雪

回看處處白雲生下有孤篷打槳行前路何人長嘯去鴨
頭江水凍無聲

默可字杲堂號芋香又號牧石吳縣人住海會庵有牧
石居集

懷羅浮山人

我昔五嶺南曾見巖居客松風四壁寒蘿煙滿衣碧廚中
所有者清泉與白石自云四十年山外無履跡

與明字月參宜黃人石碧義泉寺僧

游如意古寺

會訪眉公室春雲滿故山野田千百頃流水兩三灣坐愛
潛魚戲行看獨鶴還祇今戒壇樹高出翠微間

清月又名律月字品蓮號藕船江都人杭州雲林寺僧
有品蓮吟草

鉢池庵留贈玉公

支公習靜處幽寂絕塵氛野鳥颯深樹山花澹白雲相違
將半月重見便論文好待秋生竹攜琴再訪君

晚步

晚步入空翠微茫望不分水聲流合澗山色斷歸雲塵外
昏鐘徹林間清籟聞移時星月上萬木蔭紛紛
達航字雪帆號雲樵涇縣人綿遠渡茅庵僧

送趙南英

大藍山上雪初晴
小幕溪頭月正明
恰是溪山兩佳處
梅花一路送君行

性恬字悟開一字碧溪江都人有倚桐閣集

喜湯秀谷自鄱陽歸

知交共喜故人回
都爲寒暄慰問來
小閣梧桐依舊綠
野塘菡萏未全開
平章花鳥增詩藁
消受雲山費酒杯
明月悄然生樹杪
一天風露淨無埃

嘯顛鹽城人本姓秦居廬州治父山中有古樹軒集

秋杪懷郭明經子涵

懷人望谿雲雲飛渡谿去雲去無還期
之子杪何處寒花謝遙汀暝煙斂
高樹念往悲時序感物傷情素豈無新交

者新交不逮故

宏度字淵如住淮安篆香樓有曇香精舍集

懷夏補山琴師徐州

風急雁聲遙懷君酒一瓢吟情臨皓月離思壓秋潮大澤
書來遠丹臺葉亂飄雲帆三百里夜夜夢難消

逸雲一名正感字念亭長洲人住支硎中峯寺有嘯雲

山房集

省齋上人雨阻中峯

錫駐近雲霄中峯一徑遙林花經雨潤巖雪到春消風竹
頻蕭瑟煙巒自暮朝不知溪畔路新漲夜平橋

悟帚字埽葉宜興人住龍池有還雲集

不得公執稚威信

計竭惟行耳艱難我早憂
百金支萬里盡室在孤舟
老幼應無恙風波亦可愁
荆蠻炎瘴地相憶數回頭

昌立字小支江蘇甘泉人主建隆寺

焦公祠題壁

人間原有少微星高卧蠅廬戶不扃
清夢覺來江月白紅塵隔斷海天青
鼎留鶴院山尤重碑奪龍宮字亦腥
試問燒丹井何處春深我欲刷松苓

相潤字琇琳一字竹菴廣東海幢阿字和尚七世孫

渡白鵝潭步黃蓉石韻

牂牁一萬里海國勢偏長日落天無色
晚來山更蒼百蠻餘壯氣九月下嚴霜
擊楫乘風去長歌自笑狂

實雄字獨峯吳縣人主資福寺有典雲集

送張蕉衫返鳩江

破寺君歸更寂寥
新詩記取雪中蕉
但將肝膽酬孤鶴
不憚風霜做一貂
帆影逼天橫落日
鐘聲催日下寒潮
獨留淚灑梅花句
傳徧揚州廿四橋

行吉字遠村江都人本姓曹主平山堂

送王賀堂之海州

別離時候熟黃梅
岑寂山樓永晝閒
莫謂海濱孤講席
須知草莽有奇才
春殘風雨田橫島
日落波濤韓信臺
想見悲歌兼弔古
扁舟維處獨徘徊

行犖字偉然號介庵全椒人主承恩寺

過海粟庵訪學文和尚

扁舟仁過小橋東
得得精廬問遠公
春院鶴歸松檜老
曉

堂龍出水雲空霽衣細涇花朝雨渡海虛傳颺母風淮擬
狂瀾深處去行裝檢點日初紅

登金山作

海門曙色射東溟晴日和煙染翠屏山勢平分雙練白天
光倒浴一螺青塔舍利雲俱活窟近蛟龍水亦腥笑指
老僧乘舸慣怒濤深處汲中冷

禪一初名法喜字心丹號小顛桐鄉人杭州淨慈寺僧
有唾餘集隨便集

詩話杭州南屏萬峯山房萬歷間元串壑法師創建
與董香光黃貞父諸君結香嚴詩社自是代有詩僧
小顛爲嶺雲弟子能詩工草書元津至此已七葉阮
文達撫浙書七代詩僧精舍額以顏其室有僧父過
之日自此七代而止文達聞之撫然適有嘯溪者亦
詩僧命小顛錄爲弟子贈以詩有句曰鐘後月前明
不斷苒峯深處一
詩燈一時傳和

中丞阮公書七代詩僧額爲贈拈此奉謝

七代傳衣翰墨緣新標齋榜有高賢文如北斗珍韓子集
少紅樓愧廣宣新漲拍隄初過雨妙香浮檻乍開蓮萬峯
深處光華甚不讓題梁玉局仙

參寥智果院
係東坡題梁

築牆圍雷峯塔詩以紀之

五季紛紛首朱梁乘時割據錢鏐王此塔肇建自忠懿依
稀記得如子黃去今八百有餘載中遭劫火燒積唐劇中
靚妝妖蛇出眾目爭看窈窕娘法勝有如鬼子母戰退揭
諦走金剛金山高擎一盞罩不能跋扈恣飛揚此妖亦是
有情種輕身矢志爲高陽黃乃對白是寄託以僞作真駭
眾盲鄉愚不喻羈馱去將去磨刀切柔桑妄言此馮鎮妖
孽蛇蠖永不來蠶房從此別出有萬萬古塔勢欲倒高岡

十景之中少一景於是山僧爲主張若云鼎新工浩大且圍八尺黃泥牆斯舉傍人皆贊歎保護塔身計最良我聞興修也生喜作詩記美助宣揚

夜雨不寐

秋晚空山冷閉門溼雲時復起巖根大都詩思因禪悟一半鐘聲帶雨昏短榻橫眠聊自適孤燈枯坐向誰論畢生消受清閒福慚愧難酬出世恩

秋雨寫懷

雲山望裏半模糊夜氣迷蒙尚有湖事去徒勞千日憶老來爲惜一身孤竟無舊雨能分供剩有荒田畏索租看取淡妝濃抹態米家難自撥成圖

嘯溪杭州南屏僧有口頭吟

詩話南屏多詩僧至小顛六世阮文達無浙與爲
方外交曠溪小顛弟子也亦能詩文達頗獎借之

芳草詞

漠漠平蕪一望齊畫樓東去粉牆西落紅三月飛如雨
輦襯香塵送馬蹏

秋草

王孫歸後客心驚收馬長嘶望去程邱隴淚枯朋友恨池
塘夢老弟兄情荒煙冷露痕猶在野店斜陽路已平剩有
隄邊衰柳在暮蟬相對亂蛩鳴

際祥字主雲仁和人住淨慈寺

題畫

路繞西湖西復西夕陽紅樹板橋低秋風記得春歸日花
落柴門雨滿溪

達澄字如鑑號古光上元人住高旻寺

詩話如鑑別參高旻照月得臨濟册下
還拳之宮住高旻寺二十年宗風大振

夏口故宅河亭與王太守夢樓納涼

竹密煙深一徑虛
桐陰如幄覆階除
庭前時有窺簾鳥
池內應無避釣魚
南浦潮隨明月上
西林鐘帶夕陽疏
人閒莫漫愁煩熱
好共臨流此卜居

悟霈字古巖丹徒人本姓黎主雲門寺有擊竹山房集

詩話古巖才具敏捷格調清超佳處直造中晚趙偉
堂王柳村嘗推爲近日詩僧之冠藥根誦茗寰宗諸
人或不逮也

翠屏洲爲王柳村先生作

汀洲一帶橫滄江
勢如翡翠屏開張
三山環抱涵青蒼
吞吐岷流萬丈長
海潮呼吸通扶桑
百川爭匯河汪洋
誰能

障此波瀾狂天教鎮鎮江中央白沙唼靄青貧營煙雨晦
冥疑瀟湘江南佳麗多水鄉此中直疑朝川莊風光宛轉
蘅杜香籬門水次深夕陽此中有客詠滄浪何必當年華
子岡右丞才思超三唐褰袞千古相頡頏蘇公米公靈皇
皇好與揖讓凌茫蒼手持玉笛驂鸞鳳我來釣月歌鳴榔
蒹葭露白秋風涼

新雁

征鴻天外到雲路獨悠悠露白江南夜霜清菊北秋平沙
琴弄月古塞笛橫樓謀食何須切菰蒲正滿洲

書感

巢枝不過一枝安何事塵勞放下難飽露自應蟬有腹摩
雲肯信鶴無翰本來蓮子心中苦到底梅花骨裏寒負我

住山真面目許多感慨歲華殘

補陀山

東南地陷海天深突起芙蓉萬仞青
寺闢煙霞通鳥道風迴島嶼帶龍腥
大紅毛國瞻金界小白華山譯貝經
水激三千堪一笑鵬飛今已到南溟

和枕石邗上看花韻

一帆煙雨出蛟門肯信浮萍有定根
今日花前重把臂拂衣請看海濤痕

竹樓同王柳村作

攙雲萬竹鎖山樓濃綠陰陰夏更幽
海氣逼人涼似水不關風雨亦成秋

書感

折脚錯猶餘活計無弦琴豈覓知音若教一葦江湖去恐負春暉寸草心

贈顧子餘

山樓簾卷黃鸝雨江店樽開白雁天不向春風佳日醉直教孤負此華年

柳枝詞

頻年游子唱驪歌楊柳其如送別何畢竟不知攀折苦長條更比去年多

餘姚山中

小艇輕於葉春流任溯洞雲橫孤嶺斷水劃兩峯開鳴櫓驚猿嘯游人被鳥猜轉疑仙路近溪面落花來

達真字雪齋號竹嶼泰州人

聞雁

山暝夕陽盡尋幽倚石樓忽聞新雁至又報故園秋積雨
催黃葉懷人欲白頭多情江上月偏照望鄉愁

自如字月潭號劍堂六合人

聽琴

何人坐危石爲奏七絃琴碧水落空谷清風生遠林由來
上古調能靜世間心曲罷更回首梅花香滿岑

明修字可尙號東悟常熟人本姓高維摩寺僧有鑿雲

留跡

泊舟

漁火村燈兩黯然暮雲空隙見長天波平江面光微動瑞
靄輕搖不是煙

張濟字浮海儀徵人

江村

放下蒲團心自安
木樨影裏月生寒
金風一夜蘆花白
秋在漁翁棹外看

閒潭字南枝上元人

將近重陽不聞雁至

側耳幾回聽
哀音尙渺茫
已經虛八月
莫更負重陽
碧落寒無影
秋江夜有霜
稻梁連歲苦
恐不度南方

賢巖字天成崑山人主蒲里海藏寺有續蓮集

送孫山人之古瀛

吳淞江口放扁舟
江水隨君入海流
一望煙波千萬里
孤帆不見使人愁

端文字道揆海甯人建隆寺僧

凌江閣

夜枕時有聲乘月披衣起江空寂不聞芙蓉滴秋水

宏範字禹疇號藥山六合人

甯波道中

放懷不管古今愁暫向天涯作浪游吟到夜闌驚短燭海
風吹月入孤舟

濟乘字繹章號栗庵吳江人本姓章主海雲庵

贈沈振伯

離門小築絕追攀慷慨悲歌行路難玉洞尋仙終是幻且
來蕭寺一盤桓

顯朗字秉先號晦堂高淳人本姓徐有古柏堂集

中秋坐月

月月有明月中秋分外奇
人閒金氣滿天上玉輪移
寒色遲歌笑清光惱別離
望中丹桂影隱見爾誰欺

本齋字大淵晚號釣雪翁
茶陵人本姓陳主松江普照
塢院有鄰虛閣集

山行

春風記得過西泠
澗草溪花列翠屏
路曲不知歸去晚
夕陽影裏亂峯青

天重山中夜坐次韻

更闌不禁冷煙浮
竹磴松亭倩客游
最愛碧池明月下
霜鴻寫出一天秋

普震字智周別號南耕江甯人本姓趙

贈人

白屋深居興自豪，竟無書札致山濤。
花邊絲竹留詞伯，天下文章重布袍。
南國才名應不愧，東吳門第向來高。
幽懷已是淩秋月，況有餘光上彩毫。

達宣字青兩，海甯人。杭州淨慈寺僧，有茶夢山房吟草。

王竹嶼太守

鳳生

招同人集飲南屏聽松樓卽席口

占

曲徑通幽草不刪，風枝替客叩柴關。
詩非本色難成佛，客有閒情總愛山。
小醉未嫌村酒濁，朗吟聊趁瓦鐙閒。
伊蒲饌且加餐飯，聽徧殘鐘莫便還。

癸卯冬日蔣生沐招同沈燭門潘棗卿兩廣文費曉

樓趙次閑兩處士雅集湖舫次元韻

西冷西眺足句留嵐影披光靄暮秋霜葉黃飛臨水榭夕
陽紅靄遠山樓座逢知己皆名士酒禦輕寒襲做裘所惜
汪倫遲未至清樽不共畫船游時劍秋不至

達受字六舟又字秋檝海甯人本姓姚白馬寺僧

詩話六舟善草書能畫尤以墨梅名嗜金石儲彝鼎
碑版甚富築磨軒作鏡室藏古甌千餘晚得懷素大
小千文又築墨王樓藏馬鈞摹上石賦詩紀之有句
云自善不貪缸面酒莫教蕭翼賺蘭亭居淨慈祿山
堂阮文達撫浙招至文選樓目爲金石僧游京師居
城內龍爪槐瑞邸見所撫金石文字與之游歸京師居
屏未久卽退居白馬寺撰南屏天竺白馬諸志錢警
石司訓海昌撰備志六舟爲搜輯金石多所考訂

海昌學廨古井歌

我州金石多未彰補志竊願搜羅詳余輯兩浙金石志補已得若干卷編

尋城闕兼橋梁觀輒手搦聲琅琅來論古廣業堂好古

人遇甘泉鄉導余周視循宮牆門內有井六角方石闌覆

如摧倒缸質雖粗頑形異常制度彷彿侔李唐石頸有穿

力可扛

趙晉齋在西安時見有唐天寶石井闌欄歸武林出以畀余其式與此同

其上字蹟留

入行倩亟拓之墨汁香義泉大字書端莊如蔡君謨筆老

蒼餘惜殘損惟偏旁年代莫辨空思量題名僅識爲高陽

當時鑿此因薦亡報妻胡氏七二娘此意無愧良人良歷

今不知凡幾霜食者甘之猶瓊漿吳中古井石放光載顧

氏志流芬芳

吳門東美巷有嘉定間古井光澤如玉題名有孝夫之稱載入顧氏吳中金石志

孝

夫之稱識不忘是井功德堪頡頏頡頏姓氏未泐待表揚幸逢

椽筆志每昌與鐘並揭璧合雙

明倫堂有明時淨妙寺鐘警石廣文亦屬余拓其文

一金一石真相當鴻詞况誦長短章塔銘顯不殊藥王

歲在南屏退居房新出土宋僧修藥王塔志棄入荆榛中無人拂拭今入金石志

續貂我亦搜枯

腸寒泉酌勝亭滄浪

余住滄浪時新鑿一井

題查叔羽羅浮夢梅圖爲周梅坪作

江店酒初熟亭皋鶴未還誰家一聲笛吹夢落空山
梨雲澹若煙雪月寒于水中有看花人幾生修到此

余藏丁龍泓詩謝南屏五世法祖彙老人送檀香米
之作卽次原韻題其上

無邊世界此中藏日月還應賦就將短札有人曾乞米旃
林何處尙留香佛從舍衛城中過我向沿門鉢裏嘗記得
青精容一飽當年筆墨喜逢場

燕湖許小琴貳尹以青
精飯見餽屬余書畫

法乘字洞聞號雪柏吳江人本姓李

乙卯移錫破山步常少府韻

尋幽迷遠道入寺喜高林古木蟲文徧荒苔鹿跡深寒雲
斜嶺胸白日冷潭心終歲人稀到同誰賞梵音

清鏡字擔雲海甯人主焦山

詩話擔雲初至焦山時見一切殿宇如舊游地後見山中朗月來故宮詩曰此吾舊作也其聲音笑貌亦通似朗月云

晚步山麓

幽徑行來密重重覆綠陰嶺雲閒鳥性江月浸人心得句
煙光淨含虛妙悟深豁然忘往事天地入虛襟

復顯字夢因號雪廬海甯人本姓張主揚州建隆寺有
雪廬詩草

登金山

一葉乘風破浪開登山更上妙高臺亂雲時復生虛壁疑
有蒼龍聽法來

秋夜聞雨

暗蟲繞壁怨殘更
鐙影幢幢半不明
秋雨自涼人自臥
蕭蕭一夜打窗聲

夜宿朴樹灣

夜闌天水共澄清
月落參橫正五更
愁到枕邊眠未得
曉雞聲裏聽潮生

性仁字慈恆海甯人本姓陳主揚州建隆寺

松亭藥根兩上人集桐柏軒用襄陽游景空寺韻

犬吠秋陰夕細聽人扣關
雨驅殘暑去秋放小庭閑
詩思碧梧外客懷紅蓼閒
荒廚有煙火煮茗話空山

慧琳字寰宗涇縣人平山堂僧

詩話寰宗詩藁劉南廬爲典衣刻之趙星閣序謂其字必求新句必求工苦思力索不減郊島也

過出海庵訪元濟上人不值

地僻徑紆迴深林有禪室乘興獨來茲雲與僧俱出鐘冷
篆煙消庭空落葉集坐久默無言空山下斜日

望海

澎湃匯羣川蒼茫一片煙浮槎懷此日鞭石自何年有鳥
多藏國無涯恐墮天曾經三淺後待爾作桑田

可庵字懶雲丹徒人本姓謝

詩話懶雲孝友母貧而苦節懶雲奉養備至歿爲建坊兄卒於山左負其骨歸葬於金沙時以方外君子之稱

雨中過王柳村宅

不爲泥滯苦時來一避喧清風生講席積雨暗郊原花院
棋聲靜苔階屐齒繁主人情未已相對坐晨昏
祖道號竹溪如皋人本姓范江都秋雨庵僧

秋日過寶輪寺沛霖

契闊高禪久，今朝詣竹林。門迴秋水遠，徑折白雲深。自得定中趣，因成物外吟。夕陽發歸興，何日再相尋。

喜晤須愛樓卽送之淮陰

一別三年久，邗江得暫留。艱難纔握手，風雨又離愁。夢逐長淮水，煙昏古渡舟。高樓送君處，終日此凝眸。

春日謝澤和見過

門掩東風雪滿枝，幽人來訪夕陽時。空亭相對清吟久，只有花前一鶴知。

送吳楚江之吳江

片帆已買自難留，楚水吳山兩地愁。莫爲梅花留鄧尉，故人多半在揚州。

如震字慧安號禹門高郵人有桐花館集

贈郭來澄

時年百二十三歲

仙翁高卧樂清虛百二春秋尙有餘曾共白猿論劍術還
從黃石授丹書谿邊藥採雲深處洞口琴張月上初我亦
乘閑時過訪碧沙瑤草到山居

晚晴移詩匯卷一百九十七終